



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

88. Fer. 5. Ille diligit proximu[m], qui se negligit.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

144 *Feria 5. Dom. 2. Quadrag.*

sti aduentum prænuntiavit, me ad Fidem erexit, à malo retraxit, ad amorem Salvatoris inflammavit, ad mihi renuntiandum, in prosperis & adversis, corpore, & anima, vita & morte, tempore, & æternitate exemplo Filij Dei me permovit.

MEDITATIO LXXXVIII.

Feria 5. Dom. 2. Quadrag.

Ille diligit proximum, qui se negligit.

Aspiciam Dominum ter interrupto cum Patre colloquio ter ad suos visitandos & animandos abivisse. Petam cognitionem veræ in proximum dilectionis.

Conf. 1. Quomodo venit ad Discipulos suos, & invenit eos dormientes, & dixit: Sic itane ubi promissa? non potuistis una horâ vigilare mecum, non solum vigilante, sed etiam orante, sudante, & cum morte pugnante? Vos, qui me dormiente pugnare debebatis, ne vigilare quidem momento potuistis? Et Petro inquit: Simon dormis? non potuisti unâ horâ vigilare mecum corpore & mente, quomodo ergo mortem spernes? Vigilate & orate, ut non intretis in me negandi tentationem. Spiritus quidem promptus est ad confitendum, caro infirma ad tolerandum: quia nondum virtute induti ex alto. In tentationem intrat, qui orare negligit.

Conf. 2.

Feria 5. Dom. 2. Quadrag. 145

Conf. 2. Quomodo peractâ oratione secundâ redierit, imò & tertiâ, rediens inven- rit eos dormientes, erant enim oculi eorum gravati, & ignorabant, quid responderent ei. Gravati oculi non tam corporum, quàm animorum vicinâ negatione: Vel gravati somno: Quia erat multa nox: Vel gravati humore præ tristitia: Solet enim moeror animi sicut lacrimas exprimere, ita vapores in cere- bro excitare, unde nascitur sônus; videmus- que infantes postquâ fleverunt, altè dormire, & viros, cùm in luctu sunt, opprimi somno.

Conf. 3. Quomodo Christus sui negligens ipsos invisat; sic aurifaber præclarum opus in fornace liquans colloquium animi rescin- dit: Mater ægrotum filium surgens à mensa visitat, jamq; excitat, jam dormire sinit, ne molesta sit: Sic avis metuens pullis nidum circumvolat, & dux in acerrima obsidione vigilat portas se sistit: Et Christo minor est vitæ impetrandæ, quàm suorum commodis procurandis cura, dum sui oblitus in tanto rerum cardine cum Patre interrumpit collo- quium. Discam suspectam esse charitatē Dei, quæ caret metu, curâ, & sollicitudine proximi sui.

MEDITATIO LXXXIX.

Feria 6. Dom. 2. Quadrag.

Om̃is patiens latus.

G

Aspi.